

# San kura 1995 AW Sanbée Sanbée

Bakurubasanni

(nimio 12 songo)

Mali kono = Dorome 200

Afriki kono = Dorome 400

Jamana wers = Dorome 500

Zanwiékalo san 1995

# Kibaru

Kunnafonisében bota kalo o kalo. BP: 24 Telefoni : 22-21-04. Bozola Bamako-Mali. San 23nan boko 276nan | A songo : dorome : 10

## Kibaru kalanbagaw

An balima Kibaru kalanbagaw, Kibaru nemogoso b'aw ladonniya k'a b'a fe ka yelema kura don Kibaru dilancogo la. A folo Kibaru bëna bo ne 8 na k'a ke ne 12 ye.

A filanan - Kibaru bëna dilan kuleri la. An be yoro min na i ko bi, aw yere b'a don ko Kibaru kunnaftoni ka surun kojugu, a tolow ka dago tó ka damatème, wa letere minnu be ci aw te anw ma o bëc te boyoro soro.

Otemenennen k'o Kibaru kunnaftoni caman bëc ye hadamadenyakow, politikikow, nafasorokow, sekow, ni dönkow, sanyakow, keneyakow ani yiriwalikow, ye Mali Afirkiani diné kono, aka d'anya, anw kow bëc b'o Kibaru kono, aw k'u faamuya konuman. O si te se ka sira soro sisan k'a sababu ke pilasintanya ye.

Ni Kibaru kera ne 12 ye, Kibaru songo n'an ka kanw kunnaftonisében, minnu ye ne 12 ye, olu songo bëc bëna damakene, ka ke dorome 20 ye.

Ansigilendona kank'aw bëna faamuyali ke nin kunnaftoni na; ka d'a kan, a dabòra ka Kibaru cenc ani ka do fara a kono kono kan walasa Kibaru k'aw nata ka taa fe.

Anw hamie ka kunnaftoni datalen d'aw ma kalo o kalo min b'aw deme ka Mali ni dinc k'aw faamuya, ka keneyalase awn'a ka daabaw ma, k'aw sigiyorow lakana, k'aw ka soro yiriwa, k'aw denecaw k'aw ka sanyaw don.

Ka kuma d'aw ma, a k'aw hakilinanta fo faso joli taabolow kan, o fana ye Kibaru haminkoba d'o ye bi.

Ni miiri wers kera Kibaru kalanbagaw min na, ka da nin kunnaftoni kan, o tigilamogo bësek a mirinatalase teliyalà nin aderesi la.

Kibaru BP 24 Telefoni : 22-21-04  
Kibaru bugufiye -Bozola -Bamako.  
Kibaru dilanbagaw n'a sebenbagaw b'aw fo, k'aw walenumandon.

## Amadu Gani Kante ka bonya masegin kuma


Kibaru kalanbagaw n'a kanubagaw, Mali kono, a n'a kókan, aw salamale kun. Ala ka hère k'an bëe ye si ni keneyal, soro ni wasa, ani labanko numan kono.

Hadamadenya fan bëe yegasiye.

Mögow ka faamuyalicogo te kelen ye, wa, kuma fana ka gelen. Mögow ka waleyalicogo te kelen ye, wa, je fana ka gelen. Dijé sigilen b'o de kan. O sigi kono sa, hadamaden bëe kelen ta ye fén fila ye. A folo, k'a k'i yere la. A filanan, k'a k'i yere ye. O y'an bëe taalan ye, an ka dijélatige kono. Ne ni aw jéra kibaruko la, kabini san 1972 la. O san 23 de ye ninan ye. Ne ka Arajolakuma daminéra san 1977 la. O san 18 ye ninan ye. Ne ka san 49 jaalen ke forobabaara la, fo ka na se ne lasigili ma, o ye Alatanuko ye, ne yere ka kan, ka min d'aw tulo kan, k'a masoro, ni ne bolo mëennna kibaruko la, Ala y'o sababu ke, aw de ye. Aw kera ne ma sababu numan ye. Ne bë dugawu ke, aw bëe ye, k'a nini Ala fe, a ka sababu numan, ke aw kelen-kelen bëe ye, yoro bëe la, kun bëe la, cogo bëe la, ani waati bëe la.

Aw minnu ni ne jéra, ka kibaru sigi sen kan folo, k'a yiriwa, k'a sankorota, k'a ke yeelen ye Mali kono; k'a k'a njogonnaw nebila ye farafinna bëe kono; k'a ke dungare ye dijé kono; k'a ke «INESIKO» ka den mandi ye, ne b'aw fo, k'aw walenumandon. Ni aw tun ma son kibarou la, a tun te sira soro, a tun bë sa joona. Fée dama minnu jutigera jamana in kono, n'olu ma sira soro, o ka ca, kosebë.

Ne lasigili hukumu kono, nb'a nini, aw fe, bëe k'i cesiri, ka t'a fe, ka ne nonabilaw fana ka baara nogoya u bolo. Ni ne m'o nini aw fe, aw bë tige ne la, olu fana bë tige ne la. Ala k'an bëe sago k'an ye.



Ka bo numan fe kaa ta kinin fe : Amadu Gani Kante, Gawusu Darabo "AMAP" kuntigi, Manga Damélé Arajo Mali Zurunalisi, Minisiri Bakari Koninba Tarawele

Saheli jamanaw sumanw  
jenia ninan

ne 8

Jiriden lajalan kura

ne 8

Dolomin bë min ke  
hadamaden na.

ne 6

Ntolatan Sariyaw

ne 7

## Pariti Politikiw ka bolodijogonma

San 1994, desanburukalo tile 11, Mali pariti fanba mogow ye nognon dalaje, seko ni dongo jamalaje yoro la, min togo dalen don jeli Banzumana Sisoko la, n'an k'a ma waraba nefilaci, n'a ka njonikan te fo ni don kerenekerennenw te.

Malikeneckanyanfanburudamewka murutili kera damantem walejuguba ye, min b'a fe ka finge bila an ka jamanadenw ka kelenya ni badenya ni balimaya la, o de koso pariti mogow y'a laje ji nemajolen na, k'a don ko burudamew ka murutili ni binkanni wale ninnu te «ADEMA» pariti doren kunko ye.

O siratige la, pariti tonden minnu ye kuma ta, olu y'u nen don burudamew ka kewalejuguw ni nognon ce, kabini san 1990, waati min y'a soro pariti kelenpe doren de


tun be fanga la, n'o tun ye «UDPM» ye.

O kofe, paritikelen fanga binne, benkanseben do labenna san 1992, burudamenw ni fangaso mogow y'u bolonc bila min na, ben ni here ni kelenya ni bolodijogonma sinsinni na Mali keneckayanfan na.

Pariti mogo yamaruyalen minnu tun beken in kan : ADEMA, CNID, PDP, PSP, RDT, UDD, UFDP, US-RDA ni UFD, olu k'u be son ko bee ma, fo n'a kera Mali farafaraliye, k'ankajamana ke juguw sago ye.

U y'a jira k'u be goferenaman kokoro, Mali ka kelenya nufe kelle la. Keronfe babaganci, minnute dowereye nsonw ko, u b'a nini faso ka maramafen suguya bee do lase Mali sorodasiw ma, u ka tatugu an faso jugu ninnu na. Uka bone jiginukan, minna se ka ke sababu ye, u k'u yere don.

## Kenekew ye «SOTELMA» garidiyen do bone a ni na



San 1994, desanburukalo tile 28 su ka t'a bil'a tile 29 na, «SOTELMA», n'o ye Mali negejurucisoba ye, o ka jagokecikeda min be suguba la, o kolosilibaga, Bokari Ongoyiba bonea a ni na tutalaki Mali doregutala keneke do fe.

Kow yecogo la, a b'i n'a fo mogo camandejerla la k'a senwn'a bolow foso, o ko, ka muruturu-turu a kan n'a ned a n'a tamanw na ; o m'u bo min ke, u ye fengirin do ke k'a kunkolo filen-kolon ci.

Alamisa sogoma a su yera biro do kono, k'a soro a joli ma ban bo la.

Polisiw ka jatemine la, u balila garidiyen in na ciyakeda in donda la, o ko, u ka katabanani wuli. Bandiy'a faga, nk'a y'a seko diamajira bee ke, walasa ka til'la.

Nka bamananw ko : «fura foyi te saya la, donsebaliya ko».

A jirala ko

naniyajugu ninnuy'uka baara kuntan in ke su selifana temennen ni doonin ye. U y'u sago soro waati min, u y'a fofe k'a t'a fili biro do kono. Garidiyen were taara bo a kan min kono, o ko k'a kibaruya lase polisiw ma. Kowyecogo b'a semetiya ko nson mogofagala ninnu tun be wari doren de nini, bawo u ye birokono minenw bee turu u kunjugu kan.

Fen kelen min y'u dese, o ye warimarakesu fila ye, minnu be dilan ni negelaninen ye, n'a be wele ko «Kofurufori» warinini in misali ye fen werewye, utun be se ka minnuta, n'o ye moto ni fendagelen werew ye.

## Sariya

### Demebagajuguya

Sababujuguya ye wale ye, min b'a semetiya ko mogo do ye kojugukela do deme a ka kojugukeli la, a yere ma, walima kerefe demeni sira kan.

Sababujuguya nangilen don sariya fe, a kera mogofagako walima kojugu werew ye.

Sababujuguya ye suguya fila ye : k'i sen don kojugu la i yere ma walima k'i den kerefe ka kojugukela deme.

Sababujuguya b'a sen don kojugu la, sira minnu kan, olu dowiefile : a be se ka maramafendi kojugukela ma walima ka wali konnegew lase a ma; a be se fana ka kojugukela konorsuguri a ka wale juguw la ni deme suguya bee ye.

Min ye kojugukela kerefe demeni ye, o caman be se ka ke wale jugu ye, i be min kalama, n'i b'i datugu a kan. O b'i n'a fo, i ye kojugukela kodo.

O siratige la, a jiralen don kojugu mana ke mogo o mogo nena, n'i ker'a seere ye, k'i mantun a kan, k'a soro a lakalilit foyi k'i la, a te foyi lase i ma, i be jate seerejuguw ni kojugukelaw kerefedememanw fe; wa sariya b'i nomine k'a jate, k'i sen be walejugu in keli la.

Nka i somogosi te se ka nomine i no na, bawo e y'i mantun min kan, i somogow m'ideme o kojugu la. O cogoya kelen na, somogow fana te se ka nomine u denw ka kojuguw waleyali la, n'u t'a kalama, n'u ma k'a seerew ye.

Sariya kelende be bolikojugukela n'a demebaga kan, barisa a y'a deme a ka baarakolon na; otuma u bee ye kelen ye.

## Faransi be k'a cesiri seneyirivalila Malikoñ.

San 1995, zanwiyeñalo tile 6 don, Faransi deme kesu ni jekabaara ciyakeda (FAC) ni Mali nəməgəw y'u bolonç bila bənkansəben saba la, minnu nəsinnen don nafoloko ma. Nafolo in kasabi ye miliyari 1 ni k'o ye, min bəna don senekow yirivali baaraw dafé Mali la. Bənkansəben fəlo min wari ye sefawari miliyari 245 ye, o labilala

cikəjekuluwyen, u ka yərelaben kadara kono. Filanan, n'okasabiye sefawari miliyari 550 ye, Faransi y'o di Mali ma k'a nəsin Mali malojigineba «Ofisi di Nizeri» ləkurayalibaa raw ma, walasa k'a nafa bonya ka t'a fe, dunkafa hukumu kono.

Sabanan nafolo ye sefawari miliyari 600 ye, n'o bəna nəsin sumanko sininəsigi baaraw ləkurayali ma, walasa ka kəngəkunben waatigelenw na.

Bolonow bilala bənkansəben ninnu

dujamu 3100 de la. Shinuwa jamana mara caman kono, mögəbaa yirika jəlen don təgəkelen ni jamu kelen na, k'a soro də be ka fara denwolotaw kan halisa.

Dənnikelaw ni nininikelaw y'a jira ko foka feerə kurawdabalitəgənjamuko la, walasa ka jamanadenw bəe faranfasiya k'a bə nogon na.

U y'a jira k'u be se ka jamu kuraw dilan, ka dunanjamu dəw singa, ani k'u seben shinuwakan lakika la, n'o ye «mandareñ» ye.

na Mali minisiri Jənkunda Tarawele fe, n'o ka baara nəsinnen don Mali kəkankow ni kəkan Malidenw ka nafaw lakanani ma u sigiyorow la, ani Faransi lasigiden min be Mali kono, n'o ye Gabiriyeli De Belesize ye.

### Kəneya: Nkolobefin n'a nafaw

Ni farifaga be mögo min na, wali sufətarigan, i be nkəlobefin fura bo, k'a tobi, k'i wusu n'a ye, k'i ko a la, ka soro k'a jidə min.

Ni mura kunkolodimi gələn b'ilə, i be nkəlobefin bulu tige, k'a tobi, k'i kunkolokon aye, n'a kadiye, ib'iko n'a ye.

Ni senpasaja ni bolopasaja be mögo min na, i be nkəlobefin bulu tige, k'a tobi, k'i senpara wusu a la, ani bolopasa; k'i ko n'a ye, k'a jidə min. Ni kənədidi banbali b'ilə, i be nkəlobefin bulu tige, k'a toroki ka kəgəfin ani dugujukoro hamaku kala. N'a jara, i b'a mugu bo, k'a ke jikafan ani sari la, k'a min.

N'i da kasa be bo, ka soro a t'i dimi, i be nkəlobefin bulu tige k'a tobi, k'i da k'o n'a ye.

## SARIYA

Dinc jamanaw ka kelənya tonba «ONU» ka san 1989 Nowanburukalo tile 20 nəgənyeba bənkan talən ka nəsin denmisəninw josariyaw ma

Bənkansariya tataw ka nəsin denmisənw ka hadamadenya sabatili ma (boko 3nan)

### Sariyasen 10 :

Denmisən, walima den bangebaa min mana yamaruyaseben jini, k'a be bo walima ka seginjamana kono, n'o be na ni kafoli ni ben sabatili ye ga kono, o man kənka gəleya soro o la jamana ninnu fe.

### Sariyasen 11 :

Jamana ninnu be feerew tige ka nin walew kəle : denmisənw gənni ka taa jamana werew la, ani fasobilali pewu.

### Sariyasen 12 :

Yamaruya be denmisən bəe bolo a k'a hakilina jira.

### Sariyasen 13 :

Denmisən be se k'a hakilinakuma fo, nka a man kənka ka don mögo werew gasi la, a man kənka sitanəwuli jamana kono, walima ka mögo təw tərə, ka dankari kənəyakow la, ani hadamadenya temesira numan na.

### Sariyasen 14 :

Denmisən ka kan k'i miiri a ka ko ketaw la, k'a hakili jagabə, k'a sagona diine sira taama. Bangebaaw de ka kan k'a bila o siraw kan. Nin sababu in na, nəgənbonya, ben ani sariyaw labatoli be sabati jamana bəe kono.

### Sariyasen 15 :

Denmisən be se ka don a sagona jekulu la, ka se ka laje kə kəle te min na.

Nka, o n'a ta bəe, denmisənw ka josariyaw tiiməni man kan ka dan kari sariyaw la, ani lakanani, ani mögəw gasi sigili.

### Sariyasen 16 :

Denmisən ka kan n'a diyanyekow ye. A ka kan fana ni danbetigiya ye ani təgə soro, ani bataki cili ni siso tigiyə. Sariya ka kan ka den ka josariya tiiməko numan kələsi.

Ka bo "OMAFES" ( a to be soro kibaru nataw kono)

# DEMOKARASI NI LENPOKO MALI KONO

Bakari Damele ka kuma k'a bo Beleko-Gegena,

Demokarasi donna Mali kono, a diyar'an bee ye, a benn'an ma. Nka demokarasi ni pariti nemogow ka folila, ne y'a faamu ko bee be se ka je fanga la ; bee be se ka ke faama ye. Pariti nemogow donna jamana kono, n'o kumakan de ye, ka se duguw ni bugudaw la.

Pariti min ka kumakan mana diya mogo min tulo la, i be don o tigi ka pariti la ; an tora ten fo paritiw bee lajelenw sera ka mogo soro.

Paritiw bee kelen k'a jena mogow soro, wotew daminera : ka na nemogo sigiw ke. Jamana masake sigilen ka se kalo damadoonin ma, balawu daminera Mali kono; a ko kera i na fo, i ye tasuma don binjalan na ; fan bee kera mankan ye.

Ne Bakari ko sisan de sa beeje fanga dabora. N'a fora ko mogo bee lajelen ka je fanga la, o te se ka ke, wa bee te se ka ke faama ye fana.

Ola, ne b'a jini pariti nemogow fe ani depitew, u ka wuli ka don jamana kono, ka taa hakili numan di jamanadenw ma, ka kow nefo u ye, u kana hali nogo kelen ta la.

Mogo minnu woter'u ye, u k'olu fo, k'u walenumandon. Ne Bakari Damele ne be min na, jamana baaralikadara kono, a manji folode : jama mana wuli, yoroci o yoroci ; minisiriw ye baara bila ; masake ye minisiri werew sigi. N'a fora ko peresidan ka nemogoya kuntaala san 5 ma se yoro si ; minisiri jekulu saba sigira, ne hakili la, o te fen benta ye jamana kono ; bawo n'a m'a lasegin ko; a t'a lataa ne.

Jamana kono, peresidan ka kumaw konona la, a b'a jini sanga ni waati bee ko baara ka ke sariya kono.

Feeere min b'o waleyali la, ne b'a jini pariti nemogow fe ani fangaso ni depiteso u k'a laje ka sariyagafew dilan demokarasi hukumu kono, walasa bee lajelen k'i ka ketaw don.



An be don min na bi, malide nw magohessebnw bee be se ka dilan faso kan 10 ni ko la - Ni nemogow ma ne haminanko in laje ji nemajolen na, a laban u n'anw kungokono mogow bema fili jogon ka tijes ma !

Fen kelen be yen, min fana ka kan ka fo, bawo a manji. Mali mogo kalannenw be jogon senkoromace doren de la fanga nofe ; u ne te mogo si la, u yere kelenw ko. Ne y'a kolosi k'a foko hali pariti kelen mogow yerew te jogon fe ; o kofe depitew dow be yen, olu te se ka fosi ke, u sugandibagaw ye, n'o ye senkelaw ye.

O kun fana donnent don, i ni mogo minnu ma sigi ka jogon don, ka jogon felawdon, ka jogon haminankowdon, e be se k'o kunko jumen jenabo bulonba kono.

Ne be min jini Mali mogo kalannenw fe, u ka Mali in dilan, ni Mali in dilanna bi, kalanbagaw no don, n'a cira bi olude fana nodon. Ala k'an kisi o ma.

Bamananw ko «Ni tasuma ye binjalan mins, o be faga ni jisuma ye : nka ni tasuma ye jisuma mins, o be faga ni mun ye ?

Ala k'an kisi ! k'an fanga ! k'an kan ben !

Ne b'a fe ka doonin fo min kan tukuni nin bataki in kono, o ye lenpoko ye, sanko nisongo sarabaliya.

Malikoneanw cikelaw ka nisongow te sarala, an b'a don. Anw ka nisongo sarabaliya ju ye pariti politikiw ni nemogo tow ka kow nefobaliya ye kojuman. Kabini a fora arajo la don min paritiw ka acidenw fe, ko san 1991 nisongo to sarabali binna. Anw senkelaw kono, k'o kera nisongoko

bannen ye pewu Mali kono.

Sans 1991 nisongo to lajelen min tun be dugutigi dow ni komandan dow bolo, olu y'o waridun. Pariti nin si mogo ma se ka wuli, ka don jamana kono kow pereperelatigeli sira kan, nisongo sarabaliyakotine n'a nkalon siratige la.

N'an ye jatemine ke ko in na, demokarasiko in ma don anw kun na kosebe, bawo anw bolo, a fereke yoro ka ca, n'a jenaboli yoro ye.

Anw file yoromin, anw senkelaw coronnen don ni san 3 nisongo ye ; a sarali se be minnu ye wo, a sarali se te minnu ye wo, jurub'an bee la.

Faso nemogow ka kan ka fen kelen don, cikela b'a ka san baara damine ni nisongo saraliko de y'a kono.

Ni sannifeere banna, san diyara wo, san ma diya wo, senkelala bolo ni lenpo wari sera ka sara doren, o ye san cike diyalen ye.

Ne Bakari damele hakili la, politiki mogow y'anw kungo-kono-mogow negen, k'an hakili soje ni kuma dumannin ye ; a b'i n'a fo, u y'an yelen jiri sanfe, ka tila ka jutige n'an ye. Ne b'a jini faamaw fe, u ka fanga nofe kele dabila. N'b'a jini pariti nemogow ni depitew fe, u ka wuli a tuma la, ka taa beeje fanga ni demokarasiko nefo jamana jigi semejiriw ye, n'olu ye senkelaw ye. Tine de be laban ; nkalon te foyi ne, a te foyi dilan.

Anw te fanga nofe, bawo anw b'a don ko kalanbali te se ka ke faama ye. N'ka an be tile min na, kunfinya be ka dogoya de ! Ne ka miiri la, Mali te se ka dilan malidenw ko ; osababu la, n'b'a jini mogo kalannenw fe u ka hakili la kelen ta Mali dilanni na, n'o ma ke paritiko be k'anw ka fadenya juguya, k'anka soronagasi, k'an ka jetaa ke kota ye.

Bakari Damele  
Beleko - Gegena (Joyila)

## An ka yele ducin


Nin tun ye ce do ye.

A nebolentun don a ka dunanmuso fe, dunanmuso tun jiginnen don ale ka so. Su mana ko, funteni tuma don, bee be da dukene ma. Bee sunogolen, dutigi wulila ka qnumali damine k'i kunsin dunanmuso kan. Oy'a sorodunamuso ma sunogo kosebe. A surunyalen o la, o y'i kanto : «Mun kera ? A b'i kono ko ne nakun ye i ko ye wa ? ». A ye tuuru ce, ko : «e be yan wo, e te yan wo, nin waati mana se, ne be n ka qnuma ke, wa hali sisan, a file ne be n ka qnuma ke »

Ayisata Kone Segu G. II A

u jor'u joyoro fa.

Nb'a jini jamana nemogow fe, u k'u jororo fa, u kana siran. Nemogeo o nemogeo, n'i ma baarak ni jelenya ye, a meen o meen, Ala b'i ka soro nagasi. N'a m'a nagasi i tile la, a b'a nagaasi i salen ko, k'i wolodenw bone a la.



Oko ye wilibiliye, donnibagaw ko ten. O temennen ko, an be yoro min na sisan, jamana mankan cayara kosebe, k'a sababuk'e beejefangakoye. Ne koni hakili la, demokarasi ye netaa sabatili sira teliman ye.

Geleya min be da o kan, o ye sefawari fanga dogoyali ye. An ta laban don, nka bi ma nogoya ciklaw ma folo de. Min ye kiiritigeko ye anw bolo, taafan kelen t'a la. An be yoro min na sisan, mogow tojona fo k'a damatem; mogow be nogon faga la. O kiiriw te tige a ne kan ; dow be sojali la, olu ka kiiri te tige, a tigecogo la.

N'an y'an yere ka ketaw laje, an b'a don k'an ka segin ko ju y'an yere ye. N'an ye hadamadenw celaje sisan, an b'a don k'an sera sabali ye. N'an dun sabalila, Ala be hine an na.

Halibi, an ka Ala deli, a la nogoya k'an ye ka ben ni kelenya sabati an ni nogon ce, ka here caya an faso Mali kono ani dije selekenaanibee sankura 1995 Kuntaala kono.

Dirisa Fonba N°1 Balikukan  
Karamogo Kula - Banko (Joyila)

## Ka bo Dogoni

Anw ka lamini yoro yaala folo ka soro ka baro in ke. Bawo anw ka yoro la yan, npogotigi ncinnin mamineli ka ca kojugu ka dow si to san 8 wali 10 na. O la yann'olu ka se furu yere si san lakika ma, a be meen taa-ni-ka segin na so filani nogon ce. O be ke sababu ye fo'n'a y'a ce don waati min na, a be ban ce la. Dow yere be wari mine u mogo nogon bolo k'u bena u denmuso d'a ma furu la, n'o sera furu ye, o be tila ka ban o ce la, bawo anw fe, n'a ncinnin jinina nin cogo in na, u te jira ce la joona. Fo'n'a ye furusiri san soro. O la ni ce filanw taar'u no fe baro la, u be ce wo filan minnu taara wo, a b'olu bee bangebagaw dalajuguya neni kosebe. Furu tine ka ca duguba kono, duguba doron te hali kungo kono ani bugudaw bee la. Bawo komi Umu Sangare b'a fo cogo min furu danbe banna. Bee dun b'a don ko furu ye dije ko koro ye min wajibiyalen don mogobee kan, ani mogo bee ka kan ka min labato. O kofe, n'bena doonin fo duw tijenbagajonjor kan ? Ne fe, o ye fen ye n'anw bee no be min na, n'o ye dutigiw, dudenw, ani dumusow ye bawo dutigi dow be du soro kumaniya duden dow ma, ka mara u denw ne. Duden dow be jokalibaara ke u yere ye ka tow to dubaara la. Dutigi dow muso, wali duden dow muso be ke sababu ye ka du tine, n'u kewale an'u ka kuma fobalifo ye. O la ne ko duw tijen, an bee no b'a la.

Musa Male Kumankun Duguyiriaton sebenenabola ka bo Dogoni Kubeda Sikaso sekili


## Ka bo kula

N'ka seben kono kuma foli ye foli ye ka lase jamana nemaw ma, ka d'a kan ni nemogow jora u ka qnumoya joyoro la,

ko cennin wolobali be se k'olu kalan wa ? Cekoroba in terike do tun taara baro la a fe yen, a ker'o ne na. O y'i kan to : «a ye jo a k'i ta fo ». Okelen u k'a ma, k'a k'i ta fo. Cennin y'i kanto : «Baba marifa koro min be i fe yen, i b'o ta k'i ka deben ta, i be da ka birifini bir'i la, ka marifa in jo kunna. Nin nson in donna ka taa saga ka so la, a temen to i b'a ke i n'a fo i be sunogo la. Sanni a ka segin, i be wuli ni marifa in ye, hali ni marifa te son. i b'i ka deben ni birifini t'a nona, i bi taa i dogo. N'o ko kera cogo min an b'o ye ». O kera i n'a fo, a focogo.

Don do nson in nana don; a tementuma a ye cekoroba dalen ye, birifini birilen b'a la, marifa ds jolen b'a kunna. a tun hakili la ko cekoroba be sunogo la. Sanni a ka segin cekoroba y'i dogo. Nson nana soro, marifa te yen, cekoroba te yen, fo dilan ni fini.

Nson ma se ka temen a y'i kan to. «A'yenanson be yan». A yere kulera kosebe. O kelen mogow bora fanbee feka na. A y'i kan to : «nson in ye», ne yere ye. U y'a mine ka dugu sariya boli a kan. Cennin ka feere kera, feere lakika ye. O kelen cekoroba y'i kan to : «jaa denmisanya te feere ko la del»



Dirisa Bakari Jara Balikukan  
Karamogo Diyo - Buwatubugu (Kati)

## Ka bo Bamako

Nin ye letere ye, min cira Bagolon Kulubali fe, kablopodromu na Bamako. Aka seben in ye kuma kora de ye, k'a da Kibaru kalanbagu n'a kanubagaw bee tulo kan.

Bagolon k'ale ye Balikukan denya ke Npeliya, min be Kolokani mara la. Ay'a jir'a ka kuma kora kono : «Konin kera mogo saba ye, minnu ye kow tige nogon fe. A folo, o sen be ji la; a mogo filanan ne be ji la; a mogo sabanan ne te ji la».

Kulubalike y'an jininka ko ye mogo 3 jumen ni jumen ye ?

ma wolo fli, n'a ba bamuso knd  
- mogs sabsan min je te ji la, o ye min  
- min be ba ka la.

- mogs filanam min je be ji la, o ye de  
- musokundama ye, n'o ye denba yere ye.

- mogs fli min sen fli be ji la, o ye  
- jaabi :

Bagolon Kulubali  
Ipodromu Bamako (Mali).

## Dolomin be min ke hadamaden na

Dolo ni dumuni taw te kelen ye. N'i ye dolo min a be fen sugu fila de k'i la.  
- a folo, a be se k'i su yoroni kelen, k'i nenanmini.

- a filanan, a be se ka ko were lase i ma, waati kuntaalajan kono.

Walasa, an ka dolo ka koketa fila in boyorodon, an bena doonin fo jogon ye dolomin kan.

An be dolo min min, a fanba be taa an nuguden kono a cogoya la, k'a soro yelema foyi ma don a la. O de la, dolo be taa bije kono, jolisira fe. A be yelema yen de ! Nka bije te se ka dolo minnen bee yelema. O yoro de be dolominaw bo jogon na.

Minnu be dolo min kosebe (ka dolo caman min), olu bije degelen don dolo hake caman bayelema li. Nka, minnu te bere min, olu bije te se ka dolo hake caman bayelema. O de koso, o mogoo kofolen ninnu lasu ka teli dolo fe.

O koro te, ko dogoman minna ka nebo doloba minna fe, bawodolob'oban doonin doonin, a yere jine ma.

Fen min be yen, n'o te wuli, o ye dansigili ye dolomin na dolominna bee lajelen fe, bawo a laban, bije te se k'a ka baara ke tugun; a te se ka dolo yelema; otuma dolo be taa joli la a yere ma, o ko, ka se kuseme la fo ka se suli ma.

Dolo ka baara kunkoloseme kono, osirilen don a hake minta de la. Dolo garamu kelen tilance joli litiri kelen na, o be baara min da dolominabaw kan, a b'o baara kelen de da hake fitiniminnaw fana kan. Danfara kelen min b'u ni jogon ce, o ye dolominaba ka hake caman minni ye, sanni dolo k'a tege d'a kan, (k'a lasu).

Ni hadamaden be dolo min ka t'a fe, a b'a bo hadamadenya sawura la doonin doonin; a hakili be nagami folo, o ko a te se a yere koro tugun, a be jigin-janga, fo ka n'a lasunogo; tuma dow la, a te wuli ka b'o sunogo la, o y'a soro Ala y'a ka kalifa mine a la.

Nkalon temennen te kuma do kan, u b'a foli min ke, ko dolo te mogoo min lasu, k'o te dolominna ye. An be jine min ko, an furuw n'an nugudenw be dege dolo la fo k'an bali dolo k'an lasu, nk'o koro te k'i te dolominna ye.

Jahadi dow fana be se ka hadamaden bila dolomin na, i n'a fo i masurunya mogoo dow saya; o n'a jogonnaw, i hakili mana to ka jigin o la, i be to ka dolo min, i ko dorojutala, walasa k'iyere lajine o kojugu ko. N'i deger'ola, n'i ma dolo soro don min na, foonege ni yere yere ni dimiyerema be k'i taalan ye.

Otigilamogo te ne dolo ko, fo ni ja ker'a ma. Dolo mana ke cogo o cogo, posone don min be hadamaden laafu doonin, doonin,

k'a bo mogoninfinya la. Dolo be hadamaden kunkoloseme tige fo k'a ke fato ye; o temennen ko, a be bijedimi suguya do bila a minbaga la, min te se ka furake, n'an be se k'oweleko «kanseri di fuwa», o ni bana caman werew.

## Dolo man fisa ni dolo ye

Kabini geleya basigira Afiriki jamanaw kono, k'o sababu ke sefawari nagasili ye, do farala fen bee songo kan, tubabudolo be minnu na. O kera farafindolo sanga wulili sababu ye, yoro dow la, i ko Kongo, Kodiwari, Nizeri, Nizeriya, Keniya, Uruwanda an Burundi, kunnafonilaselaw ye minnulakodon. O be faamuya, k'o da farafindolo songo diyako jugu kan. Wari gelevara sefa dorome 100 donni ma, biyeri buteli kelen doron na, k'a soro, minkelaw be su tila bee ke farafindolo dorome kemela kan, sanni yelema ka don, o fana songo la. Nka, o ke ka gelon, bawo, o dolo be dilan ni fen minnu ye, i ko jokise, kabakise, banji, timinkala ni namasa n'u jogonnaw, olu soroli, an yerew ka jamanaw kono, o b'a nogoya.

Dolominna bee b'a don, k'an ka dolo dilancogo ka jan farajew ta la. A saniyako sabatilen te kuma t'a dilanyorow n'a farinyafenw ma, minnu te kelen ye, jamana bee kono. Nka, dolominna bee ko dolo man fisa ni dolo ye; a bee mogosucogo ye kelen ye; a bee minkun ye kelen ye; a bee ka baara ye kelen ye. O tuma la, ni dolo min sanni se b'i ye, waati min na, i b'o de min. Dolominaw b'a don fana, ko dolo be mogoo bana, k'i tatija, fo k'i faga.

"SYFIA"

## Dolo mincogo bee ka jugu ya

Dinekeneyakow kolosilibagaw y'a jira, ko dolo be hadamaden boloban, k'a bana, k'a tige, k'a ke yeko fila ye, ka temen fen bee kan, dije kono. Dolo minkojugu n'a minni, k'a dan hake la, an'a doonin doron minni, olu bee ye kelen ye, bawo, taalen nefe, a bee laban ye fen kelen de ye, n'o ye hadamaden tatineli ye, ka t'a fe, fo k'a s'a sadon ma. Dolo be bana sidonbaliw ni bana furakelbaliw doron de bila mogoo la. Dolo be hadamaden joli bayelema, k'a fasaw magaya. A be mogoo son n'i bije, an'ifogonfogen bee dun, k'u ban. A be jeli kenebabali bila mogoo nugu n'i furu la. A be hadamaden farisogo n'a farikolo funun folo, ka tila, k'a tigi fasako juguya. O temennen ko, dolominna fesigi ka gelon. Tuma bee, a dalakan ka ca, a be kele ke, hali n'a sulen te. A t'a ka fota n'a ka keta don, so kono, baarayoro la, ani bolon kono

Dolominna be se, ka mogoo bana, wali k'a faga k'a sor'a ma b'a kalam.

Dolo ka jugu faantan ma kosebe, wari te min bolo, k'a yere n'a ka denbaya balo konuman. Mogoo min te dumunni numan soro, k'a dun, k'i fa, o ka dolomin ye yere min de ye. O temennen ko, a be fo, ko «ji» songo te soro mogoo si kun. Fen min fana ka jugu, a ko la, o ye dolo ni sigareti fila bee minni ye. Olu jelen be bana suguya caman minnu bila mogoo la, olu de b'i fagali teliya.

A jirala, ko dolo be denmisennamogow tige joona, ka temen korobalenw kan, a ceman far'a musoman kan, minnu si temenna san 35 kan. A kera cogo o cogo, kenebakow kolosilibagaw ye fen min geleya, an bee ma, o y'an yoro janyali ye, dolo la, sira bee kan, bawo, dolo mincogo bee laban y'an tijeli doron de ye.

### KIBARU JINI SEBEN

Togo ni Jamu .....
Dugu wali sokala .....
Arondisiman .....
Serikilli .....
Mara .....
N'b'a fe, ka «KIBARU» soro, kalo o kalo, san kelen kono. Wari sarata ye Mali kono dorome 200 ye, Afiriki kono = 400, Jamana yerew = 500

(Nin seben in lafa, k'a tige, k'a ni 200 ci, nin aderesi la :

KIBARU - BP : 24 - BAMAKO - (Mali)

## Ntolatan Sariyaw (Boko 3nan)

**SARIYA WOCCN**: Kerefe koloisibagaw (aribitiri fila minnu be ntolatankene «aribitiriba» deme kerefe).

- balon te seka tan, o kerefe «aribitiri» fila ko :

ni fiye o fiye bora balontan na, olu de be «aribitiriba» deme o jirali la. Wa «aribitiriba» b'u felaw nininka ntolatan ko bee la;

- nka, u t'u fela jira fo ni «aribitiriba» y'u nininka waati min, o la, u be se ka ben walima k'u ban «aribitiriba» ka folen ma; a mana ke cogo o cogo, kerefe «aribitiriw» joyo ka bon balontan jeni n'a tijeni na.

**SARIYA WOLONFILANAN** : ntolatan kuntaala janyawaati fila de be ntolatannaw bolo, minnu kelen-kelen kuntaala ye miniti 45 ye. N'u ye miniti 45 foloban, u b'u segennabo miniti 5 pogon kono, o ko ka temen ni miniti 45 to ye;

- n'a bora «penaliti» la, file mana fiye fili o fili la, balontan laban sanga damadonin kono, o fili te se ka latilen tugun ;

- o miniti 90 temennen ko, ni jananwa ma se pogon na, miniti 30 be d'u ma, min be tila fila ye, n'o kelen -kelen kuntaala be ben miniti 15 ma, nka segennabot'o la ; u be joda doren de falen ;

- o bee kofe, ni «ekipu» fila si ma jescou, ntola be da metere 11 pogon na, a ni jo ( bi ) ce, balon tanna numan 5 be sugandi «ekipu» bee fe, k'o ntola tan ka don jo la, fo do ka se do la; hali ni mog 5 folo bee y'u ka «biw» don, mog we rawe be tugu olu la, fo do ka se yoro min.

**SARIYA SEGINNAN** : ntolatan sendaj fof.

- kalata mana diya «ekipu» min na, o be se ka sendaj fof ke walima ka ntolatan kene fan kelen do sugandi a

ka ntolatannaw ye;

- Sendaj fof be di, k'a soro «ekipu» do in mogow jolen don metere 9 ni ko pogon na, u ni balon ce;

- Sendaj fof in be ke ntolatan waati kofolen fila bee la, (miniti 45) ani «bi» mana don waati o waati.

**SARIYA KONONTENNAN**: Ni balon be kene kan ani kene kofe

- balon be ntolatankene kofe, n'o y'a soro a bora kene danfara tiiriw kofe, duguma walima sanfe, walima ni ntolatan lajora waatinin kono; o koro ye ko balon be se ka bo kenenma, k'a soro a be ntolatankene kan. O croy O faamuyabaliya be soro nagaminif fe, n'o ye balon toli ye ntolatankene kan, k'a jatemine i n'a foa bora danfara tiiriw kofe, ni «aribitiri» ma file fiye ka balontan lajo.

- ni balontannajela do walima bagan do, walima fen were magara balon na

kene kan, balontan be lajo, o ko ka ntola ci duguma ma, ntolacila fila ni pogon ce;

- ni «aribitiri» ye file fiye ko balontan banna k'a soro ntola be ka don jo la, o «bi» dagalen don.

**SARIYA TANNA** : «bi» donnan (jo yaaralen)

- ni balon temenna «goli» joyo croy tiiri kan, walima a ka ci jo jiri jukorola la walima a sanfe wo la, o ye «bi» donnan ye.

- ni balon donna jo kono ni bolo ye, o te «bi» ye.


- ni «ekipu» min goli lakanabagaw ye balon don n'u bolo ye u yere ka jo kono, o be jate «bi» ye.

- ni jo jiri kankannen bora a no na, k'a soro balontun bena don, ni jiri tun ma ba a no na, o fana be jate «bi» ye. Ni balon jora kun were koso, hali n'a tun be se ka don jo la, o «bi» te dan.

( a to be bo kibaru nataw kono)

## TULON

Nin desen fila dilanbaga y'a dab'a kama, ka fili 10 k'ula. A y'olu nini.



na. 9 - sisil boda numante. 10 - jibidin kiniin fe.

5 - ce disi. 6 - dsgqboilo dalen farad. 7 - kites so kelen. 8 - cencenton yarjan

1 - ce kusigil. 2 - brc talan. 3 - dsgs krun perenneen. 4 - jelle krun kelen.

KCR

## Saheli jamanaw sumanw jéna ninan.

Djé jekulu min ka baara jésin don kunnafoni teliman dili ma joona sumanw ni séné cogoya kan, walasa ka dansigi baloko géleya ni kóngola, o y'a jira ko san 1994 sumanw jéna kosebè saheli jamanaw kóno.

A jirala ko jamana 9 minnu bë saheli jamana kóno, olu ka suman sorolen hake cayara san 1994 kóno ni 14 ye kème o kème kan.

Min ye Mali ni Nizeri ni Ginebisawo ni Cadi ni Ganbi ni Moritani ye, ciyakéda kofolen in, n'a bë wele ko «SMIAR», o y'a jira ko samiyé jéna kosebè o jamanaw kóno, ka ke sababu ye sénefenw ka ne.

«SMIAR» y'a jira ko ciké forow ye ji min soro san 1994 samiyé kóno, o de ye dusu don sénékelaw kóno u k'u jésin baloséne ma, ka koori ni tiga n'a jégonnaw to yen, bawo olu bë feere kókan jamanaw kan, walasa ka wari ladon, k'a soro bamananw b'a fo ko : «bore lankolon te jo».

Nka o n'a taa bëe, Kapuwéri jamana ni Burukina Faso ni Cadi ni Senegali yoró dòw ka samiyé ji cayara fo k'a laban ke tijeni ye.

A jirala fana ko burudamekélé min bë Mali ni Nizeri kóno, o bëna géleya don suman laseli la o yoró sigimogow ma. «SMIAR» ka foli la, saheli jamanaw na se ninan ka déme don u kéréfè jamanaw ma baloko la.

K'a soro, hali sannifeere ma daminé, suman songo dajiginna, min bëna ke sababuye ka hadamadenw dahirimé nogoya saheli jamanaw kóno.

## Jiriden lajalan kura dò jenseenna Burukina Faso

Burukina - Faso legimu soro labugunna siye 4 san 6 kóno, ka temen körolen kan. Nka jamana in nakofenw n'a jiridenw tilako 100 sigiyoroma 20 bë ka tijé, k'a sababu

bo sanbalya la. Walasa ka fu siri o tijeni na, Burukina - Faso ye jiridenjalan 400 dilan, k'u jenséna tonkun naani bëe la. Jiridenjalan ninnu bë labaara ni tile funteni de ye.

O wale in janiya bora kénéréye démeké jekulu fila la, n'o ye ABAC ni GERES» ye, minnu y'u jo n'a dilanni n'a jensenni feérew dabalili ye.

Jiridenjalan ninnu dilannen don, i ko kaako, walasa jiridenw ni legimu nafamayorow kana taa fiye fe; o kofé dimogow n'u jégonnaw donyoró te



jiridenjalan kaakoma wow fe, janko gongon ni cencen.

San 1994 setanburukalo laban na, jiridenjalan 400 ni k'o jenseenna Burukina - Faso seleke naani bëe la. A suguya saba de bë yen minnu songo bë sefawari 13.00 ni 44.000 cé.

Jiridenjalan in nafaba do ye, a dilanni ye Burukina bololabaarakela yérew fe, minnu bë mögo werew dege a dilanni na, walasa bëe kaboa nun ma. Jiriden ni nakofen minnu bë laj'a la, o dòw file : mangoro, tamati, jabibi, dabulu, ni fen caman werew.

Nka halisa mögo dòw bë sigasiga la, a ko in na, bawo dòw k'a songo ka gelen, dòw ko a fen labentaw tubabuya dilannen don kojugu.

A mana ke cogo o cogo Burukinabe muso jagokelaw bë k'u seko damajira bëe ke, walasa jiridenjalan in ka laben, k'a fen dilantaw bëre ben a sanbagaw jufakono wari ma.

Jeromu Badu  
Suleymani Watara.

## Misigolo bë dun yoró dòw la.

Baloko siratige la, «SYFIA» kunnafonilaselaw ka kolosilibora fendo kan, min bë Maliden caman dabali ban. O ye misigolo tobili ye, k'a dun, Afiriki jamana dòw kóno, i ko Lagine, Liberiya, Benen, Togo, Nizeriya, Kodicwari ani Gana. O jamanaw dugu caman kóno, misigolo ni kubé tobi, a bë ke malokinin naji la fana, ka nafen tow k'a la. A donbagaw ka fo la, n'i y'i kóno fa misigolo la, sogomada fe, kóngó ti miné, tile kuuru bëe kóno.

Mali bë Afirikijamanaw bëe ne, misigolo feerekola. A bë dun yoró minnu na, olu jagokelaw bëna Mali kóno, ka misigolo kelen san, Sefawari dòrôme 200, wali, 300, ka t'a feere 400, hali temenli t'a la. O jagokelaw b'u jésin folo min ma, oye Bamako baganfagayoróye, min ye misigolo 94.000, anisagagoloni bagolo 86.000 feere, san 1993 kóno, farafinna, ani farajela, i ko Gana, Nizeriya, Esipani, Pôrtigali ani Hônkô, Zapôj jamana la. O temenken k'o, kénéréye dòw lakodjinien bë bagangolo feerekola, Mali kóno. Adòye Seku Kantako ye, min kelen ye bagangolo 20.000 feere, san 1993 la, Gana jamana dòron kóno. A dò fana ye Sibiri Jara ye. O ta b'a ni faraje jamana de cé, a ye bagangolo toni 70 feere yoró minnu na, san 1993 kóno. A jirala, ko n'i ye mögô girintóye bagangolow kan, Afirikijamanan caman kóno, sisani, k'olu tobi, k'u dun, k'o soro sogo songo géleyali de fe kabini fenw songoyelenna, sefa wariko siratige la.

"SYFIA"

"AMAP" kuntigi  
Gawusu DARABO  
Mali kanw kunnafonisëbenw  
baarada kuntigi  
Nanze Samake

### Kibaru

BP : 24 Téléfoni: 22-21-04  
Kibaru Bugufiye Bozola  
Bamako -Mali  
Dilanbagawnisebenbagaw kuntigi  
Basidiki Ture  
Sebenbagaw kuntigi  
Baadama Dukure  
Labugunyoro: kibaru gafedilan  
baarada  
Boko Hake 1600

San  
1995

# Kibaru

BP 24 - Téléphone : 22.21.04 Bamako - Mali

ZANWIYE

NTE	TARA	ARA	ALA	JUM	SIB	KAR
						1
2	3	4	5	6	7	8
9	10	11	12	13	14	15
16	17	18	19	20	21	22
23 30	24 31	25	26	27	28	29

FEWURUYE

NTE	TARA	ARA	ALA	JUM	SIB	KAR
		1	2	3	4	5
6	7	8	9	10	11	12
13	14	15	16	17	18	19
20	21	22	23	24	25	26
27	28					

MARISI

NTE	TARA	ARA	ALA	JUM	SIB	KAR
		1	2	3	4	5
6	7	8	9	10	11	12
13	14	15	16	17	18	19
20	21	22	23	24	25	26
27	28	29	30	31		

AWIRILI

NTE	TARA	ARA	ALA	JUM	SIB	KAR
				1	2	
3	4	5	6	7	8	9
10	11	12	13	14	15	16
17	18	19	20	21	22	23
24	25	26	27	28	29	30

ME

NTE	TARA	ARA	ALA	JUM	SIB	KAR
1	2	3	4	5	6	7
8	9	10	11	12	13	14
15	16	17	18	19	20	21
22	23	24	25	26	27	28
29	30	31				

ZUWEN

NTE	TARA	ARA	ALA	JUM	SIB	KAR
				1	2	3
5	6	7	8	9	10	11
12	13	14	15	16	17	18
19	20	21	22	23	24	25
26	27	28	29	30		

ZULUYE

NTE	TARA	ARA	ALA	JUM	SIB	KAR
				1	2	
3	4	5	6	7	8	9
10	11	12	13	14	15	16
17	18	19	20	21	22	23
24 31	25	26	27	28	29	30

UTI

NTE	TARA	ARA	ALA	JUM	SIB	KAR
	1	2	3	4	5	6
7	8	9	10	11	12	13
14	15	16	17	18	19	20
21	22	23	24	25	26	27
28	29	30	31			

SETANBURU

NTE	TARA	ARA	ALA	JUM	SIB	KAR
				1	2	3
4	5	6	7	8	9	10
11	12	13	14	15	16	17
18	19	20	21	22	23	24
25	26	27	28	29	30	

OKUTOBURU

NTE	TARA	ARA	ALA	JUM	SIB	KAR
				1		
2	3	4	5	6	7	8
9	10	11	12	13	14	15
16	17	18	19	20	21	22
23 30	24 31	25	26	27	28	29

NOWANBURU

NTE	TARA	ARA	ALA	JUM	SIB	KAR
		1	2	3	4	5
6	7	8	9	10	11	12
13	14	15	16	17	18	19
20	21	22	23	24	25	26
27	28	29	30			

DESANBURU

NTE	TARA	ARA	ALA	JUM	SIB	KAR
				1	2	3
4	5	6	7	8	9	10
11	12	13	14	15	16	17
18	19	20	21	22	23	24
25	26	27	28	29	30	31

*Kibaru baarakelaw b'aw fo k'aw walenumandoñ. Ala ka soro yiriya, ka keneya d'an bee lajelen ma san 1995 kono.*